



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

## RESOLUCIÓN POLA QUE SE APROBAN AS BASES E A CONVOCATORIA DA 18ª EDICIÓN DO PREMIO FRAN PÉREZ “NARF” PARA GRUPOS E ARTISTAS MUSICAIS DO ANO 2026

Despois de ver os informes do servizo de Acción Social, Cultural e Deportes, da Secretaria Xeral e do servizo de Fiscalización

Don **VALENTÍN GONZÁLEZ FORMOSO**, Presidente da Deputación Provincial da Coruña,

### RESOLVO:

**Primeiro.-** Aprobar as Bases reguladoras da 18ª Edición do Premio Fran Pérez “Narf” para grupos e artistas musicais, cuxo texto se transcribe no anexo.

**Segundo.-** Publicar as presentes bases reguladoras no Boletín Oficial da Provincia.

**Terceiro.-** Aprobar a convocatoria da 18ª Edición do Premio Fran Pérez “Narf” para grupos e artistas musicais, de conformidade coas bases reguladoras que figuran no Anexo – Bases Reguladoras.

O prazo de presentación de solicitudes iniciárase ás 08:00 horas do día 10 de febreiro de 2026 e rematará ás 14:00 horas do 10 de abril de 2026.

**Cuarto.-** Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións.

**Quinto.-** Aprobar o orzamento dos gastos derivados da convocatoria, que ascenden a un total de 13.400 €, de acordo co seguinte detalle:

Concepto	Aplicación orzamentaria	Documento contable RCP	Importe
Premios	0612/3343/481	220259000842	7.500 € (3 PREMIOS) Primeiro premio: 4.000 Segundo premio: 2.000 Terceiro premio: 1.500
Axuda trasladados (3 grupos x 300 €)	0612/3343/22609		900 €
Honorarios do xurado, fixados de acordo co establecido na Base 30ª.4 das Bases de Execución do	0612/3343/22609	220259000843	5.000 € (1.000 € x 5)



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

Orzamento para o ano 2025.			
		TOTAL	13.400,00 €

De acordo con o establecido no art. 174.1 do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais, *“A autorización ou realización dos gastos de carácter plurianual subordinarase ao crédito que para cada exercicio autoricen os respectivos orzamentos.”*

O financiamento quedará supeditado á existencia de crédito adecuado e suficiente no exercicio 2026. Noutro caso sería de aplicación o establecido no 173.5 do TRLRHL, *“non poderán adquirirse compromisos de gastos por contía superior ao importe dos créditos autorizados nos estados de gastos, sendo nulos de pleno dereito os acordos, resolucións e actos administrativos que infrinxan a expresada norma, sen prexuízo das responsabilidades a que haxa lugar”*.

Así mesmo, queda condicionada ao cumprimento dos obxectivos de estabilidade orzamentaria para o próximo exercicio, de acordo coa normativa vixente no momento.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercitar calquera outro recurso que se estime pertinente.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

## **18ª Edición do Premio Fran Pérez “Narf” para grupos e artistas musicais do ano 2026**

### **BASES**

#### **Primeira.- Obxecto**

Coa intención de difundir, apoiar e promocionar os grupos e artistas musicais das diferentes comarcas e localidades galegas, así como para lembrar e difundir socialmente a figura e a obra do músico, compositor para espectáculos musicais e teatrais e dinamizador cultural, que foi o cantante Fran Pérez “Narf”, a Deputación provincial da Coruña convoca o premio Fran Pérez “Narf” para grupos e artistas musicais do ano 2026.

#### **Segunda.- Persoas destinatarias**

Poderá participar calquera grupo ou artista musical galego ou residente en concellos galegos, do ámbito da música pop e variantes (folk, rock, rap, reggae...), que non fose finalista nin obtivesen o premio nos cinco anos anteriores á presente convocatoria, e que presenten obras non premiadas con anterioridade en ningún outro premio ou certame.

As persoas participantes non poderán formar parte de máis dun grupo dos que participen no premio. As que se presenten individualmente tampouco poderán formar parte de grupo ningún.

A orixinalidade da obra e a súa autoría xustificárase mediante unha declaración responsable na que se manifeste ser a persoa autora e titular de todos os dereitos.

En consecuencia, a Deputación Provincial da Coruña non se fará responsable das posibles denuncias por plaxio ou eventualidade similar que poidan xurdir, polo que recaerá na persoa participante afectada as accións legais que procedan e asumirá, se é o caso, as indemnizacións que poidan corresponder polos prexuízos ocasionados a particulares ou á organización.

As persoas participantes terán a obriga de comunicar á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do premio.

#### **Terceira.- Dotación**

O importe da consignación ascende a un total de 7.500,00 €, con cargo á partida 0612/3343/481 do Orzamento ordinario para 2026.

Establécense os seguintes premios:

Primeiro premio: 4.000,00€



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

Segundo premio: 2.000,00€

Terceiro premio: 1.500,00€

O pago dos citados premios realizarase previa retención do 15%, do imposto sobre a renda das persoas físicas (IRPF) ou 19% do imposto de sociedades (IS), no seu caso.

Os premios non poderán concederse a título póstumo, sen prexuízo dos dereitos de sucesión que poidan exercerse se as persoas premiadas falecesen despois do fallo do xurado.

#### **Cuarta.- Prazo**

O prazo de presentación de solicitudes iniciárase ás 08:00 horas do día **10 de febreiro de 2026 e rematará ás 14:00 horas do 10 de abril de 2026**, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

#### **Quinta.- Tramitación da solicitude**

A convocatoria tramítarase de xeito telemático, a través da plataforma de tramitación electrónica da Deputación (SUBTEL).

Dado que a tramitación será telemática:

- Quen presente a solicitude deberá dispoñer dun único enderezo electrónico de contacto durante a tramitación do expediente, ao que se dirixirán as comunicacións; excepcionalmente, e de xeito xustificando, poderá modificar este enderezo inicial, sempre e cando se notifique o dito cambio á Deputación.
- Quen presente a solicitude deberá dispoñer de certificado dixital.
- A solicitude e toda a documentación estará asinada pola persoa que presenta a solicitude.
- A presentación telemática producirá plenos efectos xurídicos, sempre que a solicitude sexa presentada dentro do prazo establecido e na plataforma citada. Non se terán por presentadas as solicitudes que se acheguen noutros rexistros.
- Serán rexeitadas automaticamente as solicitudes que conteñan documentos electrónicos que incorporen código malicioso ou dispositivo susceptible de afectar á integridade ou seguridade do sistema, omitan documentos esixidos, non se cumprimenten os campos requiridos como obrigatorios ou cando conteñan incongruencias ou omisións que impidan o seu tratamento.

#### Requisitos:

Cada grupo ou artista participará cun mínimo de catro temas, dos cales, polo menos, tres deberán estar en galego. **Todos os temas presentados deberán conter letra e música, e ambas deben ser orixinais** e compostas polo grupo ou persoas que o compoñen ou pola persoa artista, no caso de participaren individualmente.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

Os temas non orixinais (na súa totalidade, ou nunha parte) que sexan detectados polo xurado serán descartados. A maqueta dos temas presentados terá unha duración máxima de 20 minutos.

A documentación a presentar é a seguinte:

- Memoria explicativa no que se recollan os datos seguintes:
  - Nome artístico
  - Relación de compoñentes do grupo, indicando nome e apelidos, DNI, e instrumento
  - Nome e temas do CD ou traballo discográfico
  - Breve biografía de cada artista ou do grupo
- Ficha das necesidades das actuacións:
  - Técnicas
  - De montaxe
  - Plano do escenario
- Declaración responsable de autoría e cesión de dereitos no modelo facilitado pola Deputación para a presente convocatoria
- Maqueta dos temas presentados en formato Mp3 ou Ogg Vorbis, cunha duración máxima de 20 minutos
- Informe fotográfico e de prensa
- Acreditación documental de ter nacido ou residir nalgún concello galego no ano 2026. (No caso dos grupos, deberán presentalo, polo menos, un terzo dos seus compoñentes)
- No caso de grupos:
  - Acordo de nomeamento da persoa que represente ao grupo no que se especifique o alcance da dita representación (presentación telemática da solicitude e sinatura electrónica de toda a documentación necesaria para a súa tramitación, así como autorización para o cobro do importe do premio e da indemnización, se fose o caso) no modelo facilitado pola Deputación para a presente convocatoria.

### **Sexta.- Xurado**

O xurado estará presidido pola Deputada de Cultura, quen actuará con voz e sen voto, e formarán parte del cinco persoas de recoñecido prestixio no ámbito musical nomeadas por ela.

As funcións de secretaría exerceraas a Secretaría da Corporación ou a persoa funcionaria en quen delegue.

Para o nomeamento do xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de novembro, para a igualdade efectiva de mulleres e homes de Galicia.

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, de 1 de outubro, de réxime xurídico do sector público.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

A composición dos xurados darase a coñecer, con anterioridade á súa reunión, no Taboleiro de anuncios da sede electrónica co fin de que se poidan interpor, se é o caso, os recursos legais pertinentes.

Aplicarase o disposto na Lei 40/2015, do 1 de outubro, de réxime xurídico do sector público (LRXSP), Título preliminar, Capítulo II, Sección 3ª: "Órganos colexiados das distintas administracións públicas", artigos 15 a 18ª, no que se refire tanto á validez da súa constitución, como á actuación do xurado.

As deliberacións serán secretas e delas serán estendidas as actas correspondentes.

### **Sétima.- Preselección, fase final, concesión e pago**

#### Preselección

O xurado, despois da audición das maquetas recibidas, realizará unha primeira selección dun total de tres artistas e/ou grupos que accederán á fase final da actuación en directo. Tamén nomeará tres suplentes para o caso de que algún dos seleccionados non poda acudir a esta actuación.

O resultado da preselección e a convocatoria da actuación serán publicados no taboleiro de anuncios da sede electrónica da Deputación

#### Fase final: actuación en directo

A fase final consistirá na actuación en directo dos grupos ou artistas preseleccionados, na que se decidirán os premiados.

Cada actuación terá unha duración máxima de 15 minutos, durante os cales os grupos ou artistas participantes interpretarán temas incluídos na maqueta presentada.

A organización do premio facilitaralles aos grupos ou artistas que accedan á fase da actuación en directo, equipo de son, escenario e equipo de iluminación; tamén fixará os horarios das probas de son e da actuación de cada un deles.

Cada grupo ou artista que participe nesta fase recibirá a cantidade de 300,00€, en concepto de indemnización por gastos de desprazamento.

#### Concesión e pago



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

A proposta de concesión que formule o xurado será obxecto da resolución da Presidencia, que resolverá a súa aprobación, previo informe do Servizo de Acción Social, Cultural e Deportes e do Servizo de Fiscalización.

Para a concesión e o cobro do premio, a persoa premiada ou aquela nomeada como representante deberá presentar a seguinte documentación:

- Certificacións das administracións tributarias correspondentes e da Tesourería da Seguridade Social nas que se acredite que a persoa está ao corrente nas súas obrigas tributarias e coa Seguridade Social  
*Poderá omitirse a presentación desta documentación sempre que envíe un documento autorizando expresamente á Deputación provincial da Coruña ás consultas tributarias e non se opoña á consulta de datos da Seguridade Social*
- Comunicación de alta de datos bancarios para o rexistro de terceiros, que figura no apartado de impresos oficiais da páxina web da Deputación provincial da Coruña.
- Certificación da titularidade de conta, expedida pola entidade bancaria

A presentación desta documentación farase a través da plataforma de tramitación electrónica da Deputación (SUBTEL).

A resolución de concesión será dada a coñecer a través do Boletín Oficial da Provincia.

### Pago

A concesión e pago do premio será publicado na Base de Datos Nacional de Subvencións (BDNS).

### **Oitava.- Obrigas**

Os titulares das obras musicais presentadas, a través da aceptación das bases deste premio, outorgan unha licenza non exclusiva, gratuíta e intransmisible á Deputación da Coruña, nos termos do artigo 50 da Lei de propiedade intelectual, o Real decreto legislativo 1/1996, do 12 de abril.

Os dereitos cedidos son os de reprodución, distribución, comunicación pública en todas as súas modalidades, incluída a de posta a disposición, e a de sincronización.

O ámbito territorial da cesión alcanza todos os países do mundo e a duración será de 10 anos.

### **Décima.- Protección de datos**



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

Os datos facilitados serán tratados pola Deputación da Coruña coa finalidade de tramitar esta convocatoria.

A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios ou no desenvolvemento das actividades complementarias.

As ditas imaxes poderán ser publicadas en:

- A páxina web e perfís en redes sociais da Deputación
- Filmacións destinadas á promoción da actividade
- Publicacións para dar a coñecer a actividade

A lexitimación para o tratamento dos datos persoais baséase no cumprimento dunha misión de interese público.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.

As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPD pode reclamar perante a AEPD.

Poden consultar máis información relacionada coa protección de datos na nosa Política de Privacidade ou dirixindo un correo a [delegadodeprotecciondedatos@dacoruna.gal](mailto:delegadodeprotecciondedatos@dacoruna.gal).

### **Novena.- Aceptación das bases**

A participación nesta convocatoria supón a total aceptación destas bases.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

## **ANEXO - EXTRACTO DA CONVOCATORIA**

### **GALEGO**

De conformidade co previsto nos artigos 17.3.b) e 20.8.a) da Lei 38/2003, de 17 de novembro, xeral de subvencións, publícase o extracto da convocatoria da 18ª Edición del Premio Fran Pérez "Narf" para grupos y artistas musicales 2026. O texto completo do certame pode consultarse na Base de Datos Nacional de Subvencións.

#### **Primeiro. Beneficiarios**

Poderá participar calquera grupo ou artista musical galego ou residente en concellos galegos, do ámbito da música pop e variantes (folk, rock, rap, reggae...), que non fose finalista nin obtivese o premio nos cinco anos anteriores á presente convocatoria, e que presenten obras non premiadas con anterioridade en ningún outro premio ou certame.

As persoas participantes non poderán formar parte de máis dun grupo dos que participen no premio. As que se presenten individualmente tampouco poderán formar parte de grupo ningún.

#### **Segundo. Obxecto**

Coa intención de difundir, apoiar e promocionar os grupos e artistas musicais das diferentes comarcas e localidades galegas, así como para lembrar e difundir socialmente a figura e a obra do músico, compositor para espectáculos musicais e teatrais e dinamizador cultural, que foi o cantante Fran Pérez "Narf", a Deputación provincial da Coruña convoca o premio Fran Pérez "Narf" para grupos e artistas musicais do ano 2026.

#### **Terceiro. Bases reguladoras**

A presente convocatoria rexerese polas Bases reguladoras publicadas no BOP.

#### **Cuarto. Contía**

O importe da consignación ascende a un total de 7.500,00 €, con cargo á partida 0612/3343/481 do Orzamento ordinario para 2026.

#### **Quinto. Prazo de presentación de solicitudes**

O prazo de solicitude iniciarase o día 10 de febreiro de 2026, e finalizará o día 10 de abril de 2026.

#### **Sexto. Outros datos**



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

A convocatoria tramitárase de xeito telemático, a través da plataforma de tramitación electrónica da Deputación (SUBTEL).

## **CASTELLANO**

De conformidade con lo previsto en los artículos 17.3.b) y 20.8.1a) de la Ley 38/2003, de 17 de noviembre, General de Subvenciones, se publica el extracto de la convocatoria de la 18ª Edición del Premio Fran Pérez "Narf" para grupos y artistas musicales 2026. El texto completo de las Bases del premio puede consultarse en la Base de datos Nacional de Subvenciones

### **Primero. Beneficiarios**

Podrá participar cualquier grupo o artista musical gallego o residente en ayuntamientos gallegos, del ámbito de la música pop y variantes (folk, rock, rap, reggae...), que no haya sido finalista ni obtenido el premio en los cinco años anteriores a la presente convocatoria, y que presente obras no premiadas con anterioridad en ningún otro premio o certamen.

Las personas participantes no podrán formar parte de más de un grupo de los que participen en el premio. Quienes se presenten individualmente tampoco podrán formar parte de ningún grupo.

### **Segundo. Objeto**

Con la intención de difundir, apoyar y promocionar a los grupos y artistas musicales de las diferentes comarcas y localidades gallegas, así como para recordar y difundir socialmente la figura y la obra del músico, compositor para espectáculos musicales y teatrales y dinamizador cultural que fue el cantante Fran Pérez "Narf" la Diputación Provincial de A Coruña convoca el Premio Fran Pérez "Narf" para grupos y artistas musicales del año 2026.

### **Tercero. Bases reguladoras**

A presente convocatoria rexírase polas Bases reguladoras publicadas no BOP.

### **Cuarto. Cuantía**

El importe de la consignación asciende a un total de 7.500,00 €, con cargo a la partida 0612/3343/481 del Presupuesto ordinario para 2026.

### **Quinto. Plazo de presentación de solicitudes**

El plazo de solicitud se iniciará el día 10 de febrero de 2026, y finalizará el 10 de abril de 2026.

### **Sexto. Otros datos**



**DEPUTACIÓN PROVINCIAL  
A CORUÑA**

Servizo de Acción Social, Cultural e Deportes

**Expediente:** 2025000033947

**Convocatoria:** 2026 PREM-FP

La convocatoria se tramitará de manera telemática, a través de la plataforma de tramitación electrónica de la Diputación (SUBTEL).